



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus III. De voti redemptione.

---

[urn:nbn:de:hbz:466:1-73045](#)

**2909** Sexto, votum religionis non approbat, non est reservatum, debet enim intelligi de approbata; Leander *cit. q. 96.* votum assumendi ordines Sacros non est reservatum. Leander *q. 87.* votum ingrediendi religionem strictiorem, esto reservatum sit quoad ingressum religionis, non est tamen reservatum *quoad modum:* hinc commutari potest in ingressum religionis minus strictæ. Leander *cit. q. 100.* & plures alii, vota triplicis peregrinationis alio animo facta, quam devotionis, non esse reservata, tenet Leander *q. 109.* similiter, qualitas illis adjuncta, v. g. per agere iter *non equo*, sed *pede*, non est reservata; Tamburinus *cit. n. 28.* & Leander *q. 110.* votum non petendi commutationem, vel dispensationem voti, nisi à Summo Pontifice, non est reservatum. Leander *q. 111.* quando votum Papæ reservatum commutatur in aliam materiam v. g. jejunium, materia priori subrogata non est reservata, Leander *q. 113.* idque propter causas in præmissis jam allatas.

**2910** Pro fine notat Gobat *cit. n. 310.* illa quinque vota de quibus *n. 2895.* cum perfecta, & reservata sunt, sic esse reservata, ut eorum dispensatio, vel commutatio, per nullam bullam censeatur concessa, nisi exprimatur; hinc ait: si in bulla precise ponantur hæc verba: *Damus potestatem commutandi omnia vota, etiam triplicis peregrinationis.* non intelligi vota castitatis, & religionis, quando autem bulla sic haberet: *Damus potestatem commutandi vota omnia, exceptis castitatis & religionis,* hoc ipso etiam intelligi datam potestatem commutandi vota triplicis peregrinationis.

### ARTICULUS III.

#### *De voti redemptione.*

**2911** *Q*uamvis hic *voti redemptio* propriè supponat pro ejusdem commutatione, late tamen etiam comprehendit ejusdem irritationem, aut dispensationem, vel extinctionem. Unde quæstio est 1. quis possit irritare vota? 2. quis dispensare? 3. quis commutare? 4. an & qualiter extinguantur ingressu religionis? aut professione? §. 1. de irritatione voti. 2. quod ille dicatur votum *irritare*, qui absolute tollit ejus obligationem; is porrò hoc pot-

*Tom. III.*

est, cui votens subjectus est, vel quoad voluntatem, vel quoad rem promissam. Prima irritation, cum sit ob dependentiam votentis quoad voluntatem, dicitur *directa*; altera, *indirecta.* Ut haec de irritatione bene intelligantur, ponohunc casum. Petrus ante pubertatem emittit votum eleemosynæ; Pater eo cognito, irritat ejus votum, postquam ingressus est, & complevit puberbatem Petrus. Sed sic dubius, an Pater bene fecerit, votum ratificat, Societatem JESU ingreditur; post biennium simplicia vota (qua verum Religiosum efficiunt) emittit, sed post biennium alterum, ipso petente, dimittitur, & ad seculum revertitur, ubi reperit vivam solam Matrem, & Curatorem sibi positum à Patre ante mortem. Hinc Pater vota filii impuberis potest licet, & validè irritare, non tantum eo tempore, quo filii sunt impuberes, sed etiam quocunque alio, postquam egressi sunt, modò ea in pubertate non ratificaverint. Omnia enim impuberum vota habent imbibitam conditio nem, si Pater consentiat, vel non contradicat, idque vel ex jure naturæ, vel Ecclesiastico, ut ejus ætatis imbecillitatì consularit, ita Sanchez, Lessius, Suarez, Valent. quos cit. & sequitur Tamburinus *n. 9.* quod verum est, licet implenda forent tempore pubertatis, vel quando filius est sui juris; ita Sanchez *lib. 4. in decal.* *c. 29. n. 3.* quia hæc potestas irritativa fundatur in imperfectione ætatis, qua puer votum emisit: sed hæc adsuit tempore, quo factum fuit votum, ergo adest fundamentum irritandi, scilicet factum in ætate illa tenui.

Quæstio ulterior est 1. an Pater posse irritare vota, quæ fiunt à filio in pubertate? 2. quid circa vota suorum in hoc possit Tutor, vel Curator? 3. an Mater? 4. Quid Superior in Religione circa vota suorum? 5. quid dicendum de votis Uxorium? 6. Servorum? 7. Maritorum? Ad. 1. Rz. quoad ea, in quibus adhuc subest Patri, ab hoc posse irritari, sic Tamburinus *n. 11.* cum Sanchez. Nam tunc filius, et si pubes, non habet jus circa tale objectum, in quo ponitur subjectus Patri, circa quod *nos.* 1. hanc irritationem posse à Patre fieri etiam contradicente filio; nam patria potestas in usu suo non pendet à voluntate filii, si dicas: com muta-

PPP 2

muta-

668 Tract. in Lib. III. Decretal. Questio XXXIV.

mutatio non potest fieri, sine voluntate ejus, cui votum commutatur: ergo nec irritatio. *R. N.* conseq. quia in conseq. nihil subrogatur priori, quod acceptandum foret loco alterius, sicut in commutatione acceptari debet materia subrogata. Ex hoc etiam probabile reputat *Castropalaustom.* 3. *m.* 15. *D. 2. p. 4. n. 6.* contra *Suarez l. 6. de vot. c. 1. n. 13.* ex causa aliqua gravissima voti dispensationem tradi posse invito, quia potestas Prelati, quam haber pro dispensando, libera est, & à voluntate subditi independens, licet non exercenda sine causa rationabili. Ut autem dicta filii vota Pater licet irritet, sufficit, si vel filius, vel Pater inde gravamen sentiat. *Tamburinus cit. n. 14.* & quanvis Pater filio concederit licentiam vovendi; quia tamen per hoc non privavit se jure, quod habet irritandi ejusmodi vota sibi concessio, vel à natura, vel à jure; ideo etiam hoc dato, potest irritare. *Tamburinus n. 15.* cum *Sanchez, & Layman*: excipe vota realia, sic enim jus de re, pro qua vovenda dedit licentiam, filio donavit Pater. Ex his pat. responsio ad famam questionem n. 2911.

*2913 Ad 2. R. Quod Tutor, dum hoc officio fungitur, possit omnia pupilli vota, in impuberrate facta irritare, quæ potest Pater: ejus enim loco succedit; *Castropalaus cit. D. 2. p. 7. n. 6.* Idem ius est in Curatore quoad vota concernentia bonum temporale, vel præjudicantia gubernationi domus; *Sanchez in Decal. l. 4. c. 35. n. 69.* Nam in hoc subit vicem Patris, & Tutoris; hoc intellige, etiam si vota sint emissa, prius, quam assumpserint officium Tutoris, vel Curatoris, semper enim supponuntur facta cum minori discretione, consequenter ex interpretatione juris, censentur facta sub conditione beneplaciti paterni, vel eorum, qui huic succedunt. *Tamburinus l. 3. c. 16. §. 3. n. 42.* si vero sint plures Curatores, vel Tutores, quilibet hoc potest, cum ea potestas annexa sit officio. *Bonacina & Tamburinus cit. n. 18.* Vota minoris personalia irritari posse à Curatore, negat *Suarez l. 6. de vot. c. 6. n. 24. &c.* cò quod Curator non succedit in totum loco Patris, sicut Tutor; sed solum in administratione bonorum, verum etiam probabile est, posse. Nam saltem secundariò Curatori datur potestas in filii personam; *Tamburinus n. 19. San-**

*chez cit. c. 30.* Vivo, vel etiam mortuo Patre, si habeat filius Tutorem vel Curatorem, vel Avum, Mater nihil potest circa vota filii, *Suarez cit. c. 6. n. 21.* tunc enim nullam potestatem habet in filium. Secùs, si filius iis omnibus foret destitutus, tunc enim vota ejus in impuberrate facta irritare posset, tali enim casu Mater, vel Avia potest filium gubernare loco Patris, docente id jure natura, *Tamburinus n. 21.*

*Ad 3. R. Matrem posse irritare vota filii in impuberrate facta (cùm carer Patre, Tutor, vel Curatore, aut avo) dum filius est minor, negari à *Sanchez cit. c. 30. n. 17.* quia illi plus non conceditur, quam tutori; posse tamen probabile censet *Tamburinus n. 23.* cum *Sayro*, & *Sa* ob eandem rationem, ob quam *n.* priori diximus curatorem vota personalia minoris; Mater enim eo casu subintrat in officium curatoris; *Jura vero*, quæ sunt in contrarium, loquuntur de Matre, ut Mater est; non vero, cùm jure naturali in ea munera succedit; vel certè de rebus pertinentibus ad statum politicum, non de iis, quæ ad conscientiam; ita *Tamburinus* cum aliis. In hoc tamen discriben est, quod Mater id possit solum, dum filius minor est; Pater vero, etiam, cum filius emancipatus est, quoad vota in impuberrate facta, & non confirmata post pubertatem; illa enim vota ob ætatis debilitatem sunt sub conditione, si Pater non contradicat, quod semper manet, etiam cùm filius emancipatur; Tutor autem non manet semper Tutor; sed tantum usque dum pupillus attingat 14. annum completere, & Curator respeta minoris, ad 25. in horum autem vicem solum succedit Mater. Quæ diximus de Matre, intellige quoad vota personalia filii, an etiam possit realia de bonis temporalibus, vel ea, quæ præjudicant gubernationi domus? si emissa sint tempore pubertatis? negant, quoad omnia hoc tempore emissa, *Sanchez & Suarez*, sed & probabile est, posse etiam hæc; ita *Tamburinus n. 25. Sayrus*. Nam Mater in hoc casu succedit Curatori, sed is potest; ergo & illa. *Socer* (sigerer caret Patre, Matre, Tutor, & Curatore) eo casu subintrat loco Patris *juxta P. Tancredi de Religios. tom. I. D. 16. n. 6.* consequenter respectu generi tunc potest, quod respectu ejus potest, Pater.*

*Ad 4. Responsio constabit ex dicen-*

*dis*

dis ad 5. r. ea, quā praejudicant Marito, irritari posse ab ipso, siemisit Uxor, dum est in matrimonio, Sanchez, Tamburinus n. 48. hoc enim requirit contractus matrimonii; si vero non praejudicent, non posse, tenet Navarrus, Azor, Sayrus, Bonacina, Layman, Lessius aliquique cum Castropalao D. 3. p. 6. 2. n. 6. possit tamen, probabile putat Tamburinus cum aliis n. 48. ratio est ex totali subjectione mulieris, respectu mariti, qui est caput Uxorū, hoc enim pertinet ad pacem, & concordiam conjugalem; hinc videntur implicite involvere conditionem, si vir non contradixerit: Sanchez tamen excipit votum religionis, quando id impleri potest ab Uxore, v. g. viro adulterante, in hoc enim Uxor non subditur viro. Posse etiam per virum irritari vota uxoris concepta dum matrimonium stat, implenda post solutum matrimonium, &c. probabile censet Tamburinus n. 49. cum Sanchez, Vir enim omnia vota Uxorū, eo tempore facta, irritare potest; sic ille. Vota vero ejus, concepta ante matrimonium, & ejus tempore implenda, suspendi possunt a marito, secundum quod ipsi praejudicant; Navarrus, Sylvester, Sanchez & Tamburinus, non tamen irritari.

2916 Vota personalia uxorum & servorum, facta in impubertate; vel realia in pubertate, dum scilicet erant minores, irritari posse a superveniente Marito, vel Domino, tenet Lessius, Sanchez, Tamburinus n. 52. sic enim quoad illa succedunt jure Parentis, Tutoris, vel Curatoris, quando illi ordine praedicto non adsunt. Si uxor emisit votum ex mera licentia mariti, potest ab illo tamen irritari; quia praesumitur licentiam dedisse ad suum beneplacitum; at si addita est promissio non revocandi, valide quidem irritare potest (cum adhuc maneat caput mulieris) sed non licite; cum non servando promissum ageret contra fidelitatem.

2917 Ad 6. r. not. per servos non intelligi, mercede conductos; sed qui verè sub aliquo dominio sunt. illa servorum vota irritari posse a Domino, quia officiunt iporum servitio, quia solum in ea ratione fruuntur porestate dominativā in servos; hinc non possunt irritare illorum vota, facta ante subjectionem; non enim consentur facta sub conditione beneplaciti

ipsorum, nec etiam implenda, primò cum non erunt servi; sic enim non officiunt servitio, Tamburinus n. 45. &c.

Cum autem vir Uxori non subjiciatur quoad voluntatem, sed tantum quoad materiam promissam, solum convenit Uxori indirecte irritare vota mariti in matrimonio, in quantum praejudicant matrimonio, vota vero prius emissa, si praejudicantia matrimonio, suspendere potest; si autem Uxor dedit meram licentiam, censetur dedisse ad arbitrium suum, ut quanto minus potest, praejudicetur; si vero addidit promissionem, nec validè irritabit, ideo enim potest irritare, quia praejudicant, uxor autem per talem promissionem suo praejudicio cessit, ergo. Maritus autem etiam facta promissione manet caput mulieris, quod est fundamentum ex quo ipse potest irritare, unde non sit partis.

Pro fine hujus §. not. 1. ex eo, quod 2919 vovens velit, vel incipiat exequi votum in impubertate, vel alias factum, non censeri, illud ratum facere, vel confitmare; executio enim non inducit novam obligationem voto praecedenti, 2. et si prius votum saepius repeterit, non ideo ratificatum esse; sic enim solum approbat prius vinculum, non vero novum suscipit; 3. ut votum fiat obligatoriū ratum, ex parte voventis requiri; ut vovens conscient sit de prioris voti debilitate 2. ut velit se de novo firmiter obligare perinde, ac si nunquam fuisset obligatus, 3. ut sic dispositus, saltem mente, praterita repeat, seu certe approbet, ex his totus casus in principio positus facile resolvi potest, sic Tamburinus §. 3. n. 57. & seq.

### §. 2.

#### *De Dispensatione Voti.*

2920 *Dispensatio* voti contingit, cum is, qui potestatē habet, votum DEI nomine absolute relaxat; Sive definitur iuris relaxatio, à potestatē relaxandi habente facta; Unde discriben est inter dispensationem, irritationem, abrogationem, commutationem, permissionem, licentiam, interpretationem, suspensionem. Nam dispensatio datur, quando obligatio complectens omnes personas hujus communitatis, ab hac persona tollitur & manet circa reliquias; Commutatio fit per translationem obligationis, v. g. si PPPP 3 rela-

## 670 Tract. in Lib. III. Decretal. Quæstio XXXIV.

relaxetur jejenum cum onere recitandi rosarium. *Permissio* non tollit obligacionem legis, sed datur, cum quis violat legem impunè. *Licentia*, seu facultas latius patet, quamvis dispensatio: quamvis enim omnis dispensatio sit licentia, non tamen econtra: nam religiosus v.g. nequit exire domo sine licentia, cum tamen illa datur, non propriè dispensatur in lege, sed potius completur modus operandi lege præscriptus, ut nemo exeat sine licentia.

**2921** *Interpretatio* non tollit obligationem legis, sed declarat legem in hac circumstantia non obligare. *Suspensio* nec tollit legem, nec obligationem ejus; sed solum suspendit effectum obligationis ad tempus. *Derogatio* est ablato legis in perpetuum quoad partem. *Abrogatio* est ablato legis in perpetuum quoad totum. Quoad irritationem autem, & abrogationem distinguit Sanchez cit. ut *irritare* sit legem, vel votum impedire & cassare, ne robur obligandi consequatur: ut, si *Principis* legem constitutam à civibus, indigentem ipsius Principis confirmatione, non confirmet; *Abrogare* sit postquam vim obligandi adepta est, eam omnino cassare, seu abolere.

**2922** *Not.* Quòd si dispensatio bona fide fiat, esto in re iusta causa non subsit, validam putet Lessius & Sanchez, id quod etiam tenet, si cum causa ut dubia proposita, esto post reperiatur nulla sufficie, quia pertinet ad DEI benitatem, approbare factum, ne factio dispensantis (fialiæ legitimæ potestate munitus sit) dispensatio periculis conscientiae, vel anxietatum animi exponantur. Et quamvis hoc neget Castropalaus, prior tamen sententia probabilior est, ut tenet etiam Tamburinus *c. 16. §. 4. n. 3.* propter rationem ab illis assignatam. Causæ porrò sufficienes ad dispensationem voti. (nam si scienter fiat sine iusta causa saltem apparenti, dispensatio nulla est, sic enim fieret temere, consequenter factum hoc suo nomine fieri, vel factum esse, non approbare DEUS) sunt, quæ obstant executioni voti, talis est, 1. imperfecta deliberatio, vel ratione ætatis, vel ratione turbata mentis, vel ratione erroris, aut doli, in causa impulsiva voti, Tamburinus *cit. a n. 13.*

**2923** Secunda causa est difficultas notabilis

in executione, esto non sufficiat ut ejus intuitu votum sine dispensatione cesser, quod probabile est, licet fuerit prævisa, Tamburinus *n. 13.* Tertia est, si tibi sit causa damni temporalis, vel bono publico, vel tua familiæ. 4. Si causa damni spiritualis, ut si sit occasio ruinae spiritualis, vel sperret major spiritualis utilitas ex dispensatione, Tamburinus *n. 22.* Idem est, si de his oriatur prudens dubium, si verò esset sola commoditas voventis, negat hanc sufficere ad dispensationem. Sic enim non obstat executioni. Concedit tamen sufficere pro commutatione, quia sic non tollitur totum onus.

**Quæstio nunc est,** quibus competat **2924** potestas dispensandi in votis: de summo Pontifice communis affirmat, cum posse dispensare in omnibus votis, etiam alioquin reservatis, de quibus plura *a n. 2895.* dubitari autem potest, de aliis Papa inferioribus? Sed ad hoc constat ex dict. nimurum, quòd potestas dispensandi in votis, non reservatis, conveniat omnibus, qui habent jurisdictionem sacram in foro externo, respectu suorum subditorum; consequenter etiam Prælatis exemptis vota Novitiorum prius facta. Vid. Tambur. *cit. §. 4. & Busenbaum in medulla L. 3. rr.* *2. de 2. præc. decal. c. 3. dub. 8.* Regulares porrò Ordinum Mendicantium ex privilegio facultatem habent dispensandi in omnibus votis secularium non reservatis; primò enim Martinus V. concessit Benedictinis facultatem dispensandi in votis, etiam Episcopo reservatis, ut habeatur apud Tamburinum. *§. 4. n. 47.* Idem concessit Eugenius IV. per bullam. Confessarii Societatis, qui habent usum privilegiorum horum à Superioribus concessum, habent hanc etiam potestatem, ut videre licet in Compendio privil. V. *dispensatio.* *§. 10.* sic enim possunt dispensare ad petendum debitum cum his, qui post simplex votum castitatis contraxerunt matrimonium, ut habeatur *ibid. §. 9.* ex concess. Pii V. item in foro conscientiae ad petendum debitum cum his, qui consanguineum, vel consanguineam sui conjugis post matrimonium carnaliter cognoverunt; sic habeatur *ibid. §. 8* ex concess. Pii V. Item cum eo, qui simile votum edidit post consummatum matrimonium, ut not. Andreas Mendo in sta-

teria benign. opin. dissert. 1. q. 6. n. 77. ubi addit, Confessarios Regulares, fruentes privilegiis Mendicantium, posse dispensare in omnibus votis, in quibus possunt Episcopi ratione munera non in iis, à quibus possunt Episcopi solū ex benignitate ju-  
ris, ut cum dispensant ob necessitatem in reservatis Papæ.

2925 Quæstio altera est, an Episcopi possint aliquando dispensare in votis illis 5. reservatis? R. posse &c 1. in necessitate, cùm scilicet non est recursus ad Papam, vel eum, cui commisit Pontifex, ob periculum in mora. Vid. Tambur. n. 37. Sed hæc dispensatio valet tantum ad eum effec-  
tum, ad quem urgebat necessitas, ac ea, quæ talis effectus secum trahit; sic, si ligatus voto castitatis violaserit puellam, & huic foret periculum infamia prius sube-  
undæ, quam dispensaret Papa, posset Episcopus cum eo ligato dispensare, ut duocat puellam, sed hac mortua, rursum teneretur ad servandam castitatem. 2. Si id habeat ex legitima consuetudine, sic docet Tamburinus n. 43. Episcopum posse dispensare cum eo ad petendum debitum, qui post simplex votum castitatis contraxit matrimonium, vel illud emisit, etiam de uxoris licentia, post contractum.

2926 Not. tamen 1. Facultatem dispensandi in votis reservatis ex necessitate, compete-  
re Episcopis, non quidem ut potestatem ordinariam; habere tamen originem ex ea; quæ, cùm carcent privilegiati, ipsi id nequeunt etiam in necessitate, nisi ad id habeant speciale privilegium. 2. Mendicantes posse sua privilegia exercere circa omnes seculares; Episcopos vero tantum circa suos subditos. Si enim agunt per suam jurisdictionem. 3. Episcopos posse suam potestatem aliis delegare, quia ipsis hæc potestas est ordinaria, non autem Mendicantes, quia ipsis est solū delegata. Not. 4. commutationem & dispensationem voti posse fieri etiam extra Sacra-  
mentum poenitentiae, etiam absentibus. Nullum enim jus, vel clausula restringit hanc potestatem ad forum Sacramentale. vel præsentes, sic Tamburinus n. 52. Not. 5. religiosos, qui possunt dispensare in omnibus votis, in quibus possunt Episcopi potestate ordinaria, ut constat ex n. 2924. etiam posse in iis, in quibus possunt Episcopi ex potestate per consuetudinem

acquisita; sic enim Episcopus, posita se-  
mel dicta consuetudine, jam ex vi ordinariæ jurisdictionis acquisitæ per consuetudinem dispensat. Nam consuetudo dat jurisdictionem ordinariam. Sic Tamburi-  
nus n. 54. §. 4. Sed in hoc non assentior, nam quod acquiritur consuetudine, non convenit jure ordinario; sed speciali, sicut, quod acquiritur præscriptione. Deinde non consuetudo, sed Legislator, sup-  
posita consuetudine, per consensum lega-  
lem dat jus. Not. 5. Dispensationem tunc absolute concedi posse, cùm causæ,  
ob quas petitur, consideratæ gravitate voti,  
& ipsæ graves sunt, vel plures graves,  
causam satis gravem reddunt; si verò cau-  
sa videretur non omnino sufficiens, ad-  
missenda est aliqua commutatio dispensa-  
tioni. Sic Tamburinus n. 11. si autem  
causa dispensationi sufficiens est, Prælatus  
obligatur ad concedendam dispensationem;  
quia potestas dispensandi ipsis data  
est in bonum subditorum. Tamburinus  
cum Sanchez, & Castropalaus jam cit.

§. 3.

De Commutatione Voti.

Quid sit Commutare Votum? constat ex 2927  
dict. n. 2920. De hac commuta-  
tione votorum pluribus locis agitur hoc  
tit. ubi potissimum agitur de voto, quod  
conceptum est de peregrinatione trans-  
marina in subsidium terræ Sanctæ, ut  
constat ex c. de peregrinationis 1. c. non  
est. 5. c. Licet. 6. c. ad magna 7. c. Quod si-  
per 8. b. t. &c. Sed hodie sublatis expedi-  
tionibus in terram Sanctam, ad praxin  
parum faciunt, ut notat Wagnereck in  
exegesi ad cit. c. quod super. Illud, quod  
habetur c. Scriptura 4. b. t. ad præsentem  
quæstionem multum confert, ubi Ale-  
xander III. illis, qui relicta voti, quod  
conceperant, executione, statum religio-  
sum assumunt, ita rescribit: Scriptura Sa-  
cro testimonio declaratur, quod spiritualis  
homo propositum non mutat, cùm pro salute  
anima sua utilius aliquid meditetur. Inde  
est, quod vestris justis postulationibus non  
indignati, indulgemus quod, qui sepulchrum  
Domini vel aliorum Sanctorum limina propo-  
suerunt visitare: & infirmitate, vel alia  
rationabili cauſa occurrente habitum religio-  
nis assumere, aique inter vos DEO servire  
vulneris, liberè ipsis suscipere valeatis.  
Unde

672 Tract. In Lib. III. Decretal. Questio XXXIV.

Unde subjungit: *reus facti voti aliquatenus non habetur, qui tempore obsequium in perpetuum noscitur religionis observantiam commutare.* Ex quo habetur, ut ponitur in rubrica c. i. omne votum esse mutabile in votum Religionis.

2928 Hanc conclusionem ex isto textu communiter desumunt D. Thomas. 2. 2. q. 88. art. 12. ad 1. & q. 189. art. 3. ad 3. & art. 8. ad 2. Sot. de justit. lib. 7. q. 4. art. 3. vers. 4. & q. 7. vers. 3. Navar. consilio 4. de Regular. in novis, & in man. c. 12. n. 65. & 78. in fine. Covar. in c. quamvis pactum, p. 1. §. 3. n. 4. vers. 6. Sanchez in decal. tom. 2. l. 5. c. 5. à n. 36., quì à n. 38. ait, *ipso jure, vota in seculo facta, censeri commutata in religionis professionem;* ac proinde, absque alia commutandi intentione, manere profitentem ab eis liberum, ut probat hic textus, cuius dictio non innititur speciali voventis intentione commutandi, sed solo privilegio efficiente, ut priora vota simplicia manent ipso jure extinta emisso solemnissimamente; quia, cum omnia vota DEO promissa sunt opera particularia, continentur eminenter in ipsa religionis professione, per quam se & omnia sua dedicat profitens divino obsequio, moriens priori vita, & nihil, nec propriam voluntatem sibi reservans. Ad 2. r. pariter affirmativè; ratio est eadem; quia solemnissima professione tolluntur omnia vota praecedentia, ut ostensum est; & ita tradit Sanchez cit. tom. 2. Decalog. l. 5. c. 5. n. 40. ubi tamen addit, hanc sententiam sibi pra. opposita magis placere; rem tamen esse dubiam. Ad 3. quia, ut in praecedentibus dictum est, professio extendit se ad extinguenda omnia vota priora, hinc, si quæ vota in Religioso cœcto sufficient tantum suspensa, dum in religione esset, illa, in dato casu omnino tollentur. Ad 4. r. affirmativè, modo per tale votum non sit jus acquisitum tertio, ut, si promissio esset homini facta, & acceptata; nam in tali casu non posset præjudicari juri alterius, ratio autem responsoris est, quia professio religiosa extinguit in proficiente omne debitum antecedens ex vi religiosi; non autem ex vi justitia, ut tradit Sanchez cit. an. 41. cum Angelo V. Votum. 4. n. 3. Covarr. de pact. p. 1. §. 3. n. 4. & alii.

2929 Questio præterea est 1. an idem dicendum de votis tempore Novitiatus emissis? 2. de votis emissis post professionem, si talis professus deinde profiteatur in alia religione strictiore? 3. de votis, quæ quis emisit in religione, si ab ea in perpetuum expulsus, sua sponte profiteatur in alia strictiore, vel laxiore? 4. an hoc procedat de votis non tantum personalibus, sed etiam realibus? 5. an etiam de voto transmarino in subsidium terræ Sanctæ? 6. an id concessum sit simplicibus votis post biennium Novitiatus emissis in Soc. JESU?

2930 Ad 1. r. affirmativè; nam ex vi voti religionis professus absolvitur à prioribus votis, ut dictum est, & tradit D. Thomas in 4. dicit. 38. q. 1. a. 4. quæstione 4. ad 2. Nam per professionem talis priori vita moritur, ut tradit idem S. Doctor. 2. 2. q. 88. a. 12. ad 1. Gloss. in c. Monacho. 20. q. 4. V. Voverit. & altius; quamvis non inducitur privatæ voventis voluntate, vel autoritate; sed Ecclesiastica lege, quæ

jure optimo induxit, ut, vitam secularem in religiosam mutant, liberetur votis illis particularibus, quod confirmari potest ex c. penult. de Regularibus in 6. ubi deciditur, ad strictum simplici religionis strictiori voto, manere ab eo liberum, si in laxiori profiteatur. Et redditus ratio his verbis: *Priori voto, tanquam simplici, per secundum solenne noscitur derogatum;* cuius ratio est, quia cum omnia obsequia, DEO promissa, sint opera particularia, continentur eminenter in ipsa religionis professione, per quam se & omnia sua dedicat profitens divino obsequio, moriens priori vita, & nihil, nec propriam voluntatem sibi reservans. Ad 2. r. pariter affirmativè; ratio est eadem; quia solemnissima professione tolluntur omnia vota praecedentia, ut ostensum est; & ita tradit Sanchez cit. tom. 2. Decalog. l. 5. c. 5. n. 40. ubi tamen addit, hanc sententiam sibi pra. opposita magis placere; rem tamen esse dubiam. Ad 3. quia, ut in praecedentibus dictum est, professio extendit se ad extinguenda omnia vota priora, hinc, si quæ vota in Religioso cœcto sufficient tantum suspensa, dum in religione esset, illa, in dato casu omnino tollentur. Ad 4. r. affirmativè, modo per tale votum non sit jus acquisitum tertio, ut, si promissio esset homini facta, & acceptata; nam in tali casu non posset præjudicari juri alterius, ratio autem responsoris est, quia professio religiosa extinguit in proficiente omne debitum antecedens ex vi religiosi; non autem ex vi justitia, ut tradit Sanchez cit. an. 41. cum Angelo V. Votum. 4. n. 3. Covarr. de pact. p. 1. §. 3. n. 4. & alii.

Ad 5. censem aliqui votum illud extingui quoad laborem eundi seu itinerandi; non autem quoad expensas subsidii; sic Angelus cit. n. 4. & Sylvester V. Votum. 4. q. 7. dicto. 4. Sed dicendum extingui quoad utrumque; nam in dict. c. Scriptura textus expresse loquitur sine illa distinctione de voto visitandi sepulchrum domini; vel aliorum Sanctorum limina. Nec obstat, tale votum, *quoad subsidium,* esse reale; ac reservatum: nam illud debitum reale; non est debitum reiustitia, sed religionis, & votum quoad laborem eundi personaliter æquic reservatum est. Ad 6. r. per illa vota biennii, ex

*In Tit. XXXIV. De Voto, & Voti Redemptione.* 673

*vi eorum*, vota prius in seculo emissâ, non extingui, sed suspendi, quamdiu talis manet in Religione; quia per illa vota non traditur Religiosus religioni, & divino obsequio, irrevocabiliter, & omnino perpetuo; ita Sanchez *cit. n. 54.* ex canonice 22. Congr. I. ibi: *vota, que nostra in seculo emiserunt, in nostra Societate suspensa sunt, etiam per professionem non tollantur: & ita obligationem eorum cessare, dum in Societate manent, intelligantur.*

2932 Dixi, *ex vicorum*; nam in casu, quo vota constituunt *professionum*, extinguuntur priora vota *vi professionis*, quæ vim istam habet ex lege Ecclesiastica, ut diximus; & ideo, ut hunc effectum operetur, non est opus, ut profitens emittat professionem *cum intentione* per illam commutandi priora vota in ipsam professionem; cùm vis operandi extinctionem illorum votorum non pendeat à privata voluntate profidentis; sed cùm suppositâ, à dispositione legis *juxta n. 2927.* & ita tenet Sanchez *cit. n. 37.* contra Hostiensem in Summa b. t. §. qui vovere possit. *n. 7.* quo posito:

2933 Quæstio 7. est, an saltem tunc extinguerentur vota in seculo emissa ab eo, qui post biennium Novitiatu in Soc. JESU emitit 3. vota simplicia, quibus evadit verè Religiosus, si emitteret ea cum intentione commutandi in ea vota simplicia? 8. an, si talis postea dimitteretur à Religione, illa vota denuò redirent? 9. an idem dicendum, si commutaret in simplicem ingressum in Societatem, & postea tempore Novitiatu exact ex justa causa? 10. quid si ingrediens Societatem haberet votum ingrediendi aliam religionem? Ad 7. *R.* affirmativè; nam hanc commutationem illorum votorum fieri posse ab eo, qui talia vota simplicia emitit in Soc. JESU, decidit Gregorius XIII. in sua constitutione, *Ascendente Domino*, ubi condemnat quorundam obrectationem dicentium: *non posse vota aliqua in seculo emissa, in tria hac substantialia Societatis commutari; cùm tamen hac vota sint statue, ut præfertur, Religiosi adeo utilis, & perfecti, ut illa in hac possint; hac verò in aliorum Ordinum, etiam solemnia vota commutari, sit ab hac Sede, ius&is de causis interdictum.*

2934 Ad 8. *R.* negativè; quia votum se-  
Tom. III.

mel legitimè sublatum, seu extinctum, non reviviscit, ita Sanchez *cit. n. 55.* Ad 9. *R.* affirmativè cum Sanchez *loc. cit.* quia melius est ingredi religionem animo probandi, & amplectendi eam, si probata placuerit, quam quodcumque aliud votum; ergo legitimè quis commutat omnia vota in hunc finem, quo casu manet liber ab illis, & tenetur ad hunc ingressum, cui tamen obligationi satisfacit ingrediens bonâ fide & postea tempore Novitiatu exulta causa exiens. Ad 10. *R.* quid tale votum per vota biennii non suspendatur, posse tamen à P. N. Generali, veleo, cui is commiserit commutari in illa, licet esset votum strictioris religionis, ut habetur in Compend. Privileg. V. *Communatio.* §. 3. de quo plura Sanchez *cit. a n. 57.*

Nec obstat, quid movent aliqui, 2935 dicentes, in c. *Scriptura & sup. cit.* non dici, ipso jure *commutari vota in professionem*, sed commutantem non teneri ad priora vota, at commutatio fieri nequit absque intentione commutandi. Nam aliud est, vota *dispositione legis* commutari, aliud *intentione profidentis*; quo posito *R.* cum distinctione ma. in dicto c. non dicitur ipso jure commutari vota in professionem, *ex intentione profidentis*. C. *ex dispositione juris*, seu legis. N. ma. dist. min. at commutatio, *ex intentione profidentis*, nequit fieri absque intentione commutandi. C. *ex dispositione legis* N. min. & conf. aliud est vota in professionem non possum commutari *per legem* absque *legis* intentione commutandi; aliud, *absque profidentis intentione*; primum verum est; non autem alterum.

Ex dictis deducitur 1. non esse admittendam limitationem Abbatis in dict. c. *Scriptura n. 6.* dicentis, per professionem sola vota statui religioso non consona, sed ejus observantias impeditantia, tolli; Secus, de consonis, nec impeditibus, nam ex dict. c. constat, *omnia tolli*, quia hæc votorum extincio non innititur *incompossibilitati* corum cum statu religioso, sed legi Ecclesiastica, ut dictum est superius, volenti, ac disponenti, profidentem non teneri ad priora vota, quin fiat respectus ad ea, tanquam consona, vel dissona Religioni. Nec etiam obstat illud, quid textus loquatur *de voto temporalis obsequi*, consequenter intelligi nequeat *de votis*

Qqqq perpe-

674 Tract. In Lib. III. Decretal. Quæstio XXXIV.

*perpetuus*; nam hoc non ideo ponitur in textu, quasi ad solum *temporale* votum restringeretur; sed quia de voto temporali, nempe peregrinationis Hierosolymitanæ, rogatus est Pontifex, & ideo de illo respondebit. Nec enim induxit novum jus, sed ostendit jus ex ipsa ratione naturali ordinatum commutandi omnia vota in professionem, eo quod hæc sit majus bonum, alia omnia in se eminenter continens.

S. 4

*Qui gaudeant potestate commutandi Vota?*

2937 R Esp. de hoc agi c. de peregrinationis, b. t. cùm enim ex Alexandro III. quæstionum effet, an ob occurrentem necessitatatem votum peregrinationis, elemosynis redimi; vel in aliud opus commutari possit? respondit: *quid ab ejus, qui præsideret, pendet arbitrio, ut consideret, diligentius qualitatem personæ, & causam commutationis* (scilicet, an ex infirmitate, seu affluentiâ divitiarum, an alia causa probabili peregrinatio, an recompensatio melior fuerit, & DEO magis accepta?) & *secundum hoc debet exinde dispensare*; ex hoc textu communiter deducunt DD. quemlibet Superiorum Ecclesiasticum (videlicet Episcopum, vel alium Praelatum Episcopali jurisdictione, seu potestate in suos subditos prædictum) causâ cognitâ, posse vota redimere, seu commutare, vel in iis dispensare, & hoc procedit de omnibus votis, non specialiter reservatis. Si dicas, in dict. c. 1. non agi de *dispensatione*, sed *commutatione* votorum? quia Pontifex respondit solum ad quæstionem propositam, qua fuit de sola *redemptione & commutatione*: *R.* esto interrogatio fuerit facta de *redemptione & commutatione* voti, Pontificem tamen in sua responsione non affirmasse *illud solum*, sed etiam alterum, ut patet ex ipso textu, ibi: & *secundum hoc debet exinde dispensare*.

2938 Quæstio ulterior est 1. an id possint soli Superiori Ecclesiastici? 2. analiquando possit hoc ipse votens? 3. an hoc jure Ordinario habeant Episcopi in sua dioecesi? & quidem ante consecrationem? 4. an Archiepiscopi, etiam ante acceptum pallium? 5. quid in hoc possit Capitulum Sede vacante? 6. an Episcoporum Vicarii? 7. an Pralati Episcopo inferiores? 8. an Parochi? Ante resolut. supp. actum dispensa-

sandi in votis, esse actum jurisdictionis, non Ordinis; atque adeo posse competere Clerico, etiam primæ tonsuræ, idque Jure ordinario vel delegato; solis autem illis competere jure ordinario, qui habent jurisdictionem in foro externo; sicut de potestate excommunicandi tradit communis; nam utraque potestas pertinet ad externam Ecclesiæ gubernationem, ut tradit Sanchez tom. 1. in Decal. l. 4. c. 37. & n. 16. cum Sayro in Claviregia l. 6. c. 11. & n. 85. quibus positis:

Ad 1. *R.* *jure ordinario* id posse solos 2939

Superiores Ecclesiasticos, respectu suorum, qui habent jurisdictionem fori externi; constat ex c. 1. h. t. ibi: *ab ejus, qui præsideret, pendet arbitrio*; aliud est jure delegato, vel privilegio, prout id habent plures Religiosi; qui hoc licite faciunt, sed solum juxta mensuram potestatis concessæ; quia in re quisque sui Ordinis privilegia attendere debet; sed à prima parte hujus responsionis excipe, *nisi*, ut mox dicimus, *ipse votens hoc præstare valent*.

Ad 2. *R.* affirmative, si commuta-

tio fiat in *evidenter melius*, vel *evidenter aequale*; primam partem tenent complures cum Sanchez cit. c. 49. n. 7. Nam votens omnia vota priora commutare potest in professionem religiosam, etiam Authoritate propriâ, ut constat ex dict. locum autem de votis secularibus, hoc est, non propriis Ordini alicui Regulari; & colligitur etiam ex dict. c. 1. nam ibi *superioris Authoritas* intervenire debet, ut dispiciat, & consideret, an id, in quod sit commutatio, sit melius eo, quod voto promissum est; at hoc necessarium non est, ubi opus novum est priori *evidenter melius*. Alteram partem tenent complures apud Sanchez cit. c. 49. n. 10. & Tamburinus l. 3. in Decal. c. 16. §. 5. n. 14. Pirhing. h. t. n. 25. & alii; quia si opus sit *evidenter aequè bonum*, ac alterum, nihil interest, num fiat hoc, vel illud; nec obstat, quod ad DEI cultum spectet perseverantia in promisso; nam hoc compensari potest per alterum. Excipiunt tamen vota specialiter reservata; 2. quæ facta, & acceptata sunt in favorem tertii; sic enim jus acquisitum est tertio, cui non semper placet id, quod defit melius est. Not. tamen ex P. Adamo Burghaber in cent. 2. cas. 35. Fagundez l. 2. in decal. c. 49. n. 11. etiam oppositum re-putari

putari probabile; hinc volunt, cum opus, in quod fit commutatio, est evidenter melius, posse a voente commutari propriâ Authoritate, esto cedat in præjudicium tertii, quia votum in utilitatem tertii non facit, ut tertius acquirat jus absolutum, sed conditionatum, seu dependens a beneplacito DEI, nisi oppositum sit evidenter melius. Hinc si Pontifex alicubi contrarium expressit, ajunt eum esse locutum ex sententia Doctorum contra.

**2941** Ad 3. R. affirmativè, tam de dispensatione, quam commutatione ex dict. c. i. modò confirmati sint; quia tunc gaudent plena jurisdictione; ita Sanchez cit. c. 39. n. 6. contrariam sententiam dicens, ab omnibus rejici tanquam omnino falsam; quodidem dicendum est de Archi-Episcopo respectu subditorum sua Dioecesis; nam relata ad hanc comparatur tanquam Episcopus; quia ante Pallii receptionem interdicuntur ei solum, cogere Concilium, & exercere, quæ sunt Ordinis Episcopalis. Ut constat ex c. Quod sicut, §. super eo, de elect. & ideo c. suffraganei, de electione dicitur, integrum esse Archi-Episcopo, nondum recepto Pallio, committere alicui Episcopo consecrationem sui suffraganei, quasi ea commissio sit actus jurisdictionis; ubi Glossa, post causis positio- nes, notabili 2. ait: per confirmationem concedi Archi-Episcopo ea, quæ sunt jurisdictionis: Secus tamen dicendum est de subditis suorum suffraganorum; nam Archi-Episcopus non habet ordinariam.

curam, nisi in sua Dioecesi; ac solum est Judex in causis Dioecesis suffraganeæ per appellationem ad eum deductis, c. i. de officio Legati, c. Dico, de officio ordinari. Ad 5. R. Capitulum Sede vacante in hac materia idem posse, quod Episcopus jure ordinario, cum ei in hoc succedat, nec specialiter prohibetur. Ad 6. R. negativè cum Sanchez cit. n. 18. nam facultas dispensandi non datur ex generali officio Vicariatus, ut tradit Sanchez l. 2. matr. D. 40. n. 12. Ad 7. R. quod sic, sed solum comparatione illorum, relatè ad quos gaudent quasi Episcopali jurisdictione. Ad 8. R. negativè, quia carent jurisdictione fori externi.

Ex dictis colliges, quibus diximus **2942** competere potestatem dispensandi in votis, iisdem etiam competere potestatem commutandi, non econtra, nam *commutare*, de se non dicit actum jurisdictionis; ad dispensandum enim *ex parte dispensandi* requiritur, quod subjectus sit speciali potestati dispensantis, nulla enim jurisdictione validè exercetur in non subditum. Ceterum sufficere subjectionem in ordine ad hunc finem, quæ habetur per quasi domicilium, tradit Sanchez cit. c. 37. n. 27. ad quod sufficit, quod quis veniat ad eum locum cum animo permanendi ibi majore apni parte. Plura de votis tradidi in præceptis primæ tabulæ; quæ autem pertinent ad *solemnitatem* votorum, partim videri possunt à n. 2873. & 2877. partim in.

## QUÆSTIO XXXV. IN TIT. XXXV. DE STATU MONACHO- RUM, ET CANONICORUM REGULARIUM.

**2943** **H**æc vox *status* apud varios diversarum facultatum professores multipliciter usurpatur, prout videri potest apud Percyram in Elucidario l. 2. elucidat. 20. Sect. 7. n. 1359. illis in præsens prætermisso, apud Theologos, ut notat Lessius l. 2. c. 41. dub. 1. bifariam 1. latè, pro quavis vita conditio- ne, in qua homo ad tempus, vel per- petuo manet; Sic dicitur status innocentia. Tom. III.

tia, status legis naturæ, legis Mosaicæ, legis Evangelicæ, status viatorum, status beatorum, & damnatorum, status liberorum, servorum, Virginum, Viduarum. 2. strictè pro conditione vitæ immobili, per quam alteri obstricti sumus, & ut sic quandam firmitatem, & permanentiam denotat.

Hæc ratione (ut docet S. Thomas **2944** 2. q. 183. à 1.) dantur tres status in Eccle-

Qqq 2 siasci-